

Jalin kerjasama strategik dengan institusi pengajian tinggi luar

Siaran Akhbar dan Foto :
Universiti Islam Sultan Sharif Ali

BANDAR SERI BEGAWAN, Isnin, 23 Januari. - Universiti Islam Sultan Sharif Ali (UNISSA) terus bergiat aktif menjalinkan kerjasama strategik dengan institusi pengajian tinggi luar negara melalui penandatanganan Memorandum Persefahaman (MoU) dengan Universiti Bilad Al-Sham (BSU), Syria dalam usaha meningkatkan reputasi di arena antarabangsa.

Pada majlis penandatanganan yang berlangsung di Bilik Senat, UNISSA itu, menandatangani bagi pihak UNISSA ialah Rektor UNISSA, Dr. Haji Norarfan bin Haji Zainal, manakala bagi pihak BSU, Syria pula ditandatangani oleh Rektor Universiti berkenaan, iaitu Profesor Dr. Husameddin Farfour.

BSU adalah sebuah pengajian tinggi yang terletak di Damsyik, Syria yang telah dinaiktaraf ke universiti, di mana ia adalah institusi dari cawangan Kampus Islam Al-Fatih.

Sebelum upacara penandatanganan MoU berlangsung, Rektor UNISSA mengalu-alukan kedatangan delegasi dengan harapan penandatanganan MoU yang termeterai akan dapat menjalinkan lagi hubungan persefahaman di antara dua pihak khususnya dalam bidang akademik dan penyelidikan.



REKTOR Universiti Islam Sultan Sharif Ali (UNISSA), Dr. Haji Norarfan bin Haji Zainal (depan, tujuh dari kanan) dan Rektor Universiti Bilad Al-Sham, Syria, Profesor Dr. Farfour (depan, empat dari kiri) semasa bergambar ramai selepas Majlis Penandatanganan Memorandum Persefahaman yang berlangsung di Bilik Senat, UNISSA.

Sebagai ucapan balas, Rektor BSU, Syria turut menyambut baik hasrat untuk bekerjasama dengan UNISSA.

Hadir menyaksikan penandatanganan MoU tersebut adalah Timbalan Rektor UNISSA, Dr. Haji Mohammed Hussain bin Pehin Penyurat Haji Ahmad, Penolong Rektor dan pegawai-pegawai utama, UNISSA.

Pakej Umrah mendapat sambutan

Oleh : Dk. Vivy Malessa Pg. Ibrahim
Foto : Hamzah Mohidin



KETUA Jabatan Haji dan Umrah, Darussalam Holdings Sdn. Bhd., Pengiran Haji Ibrahim bin Pengiran Haji Bakar.

BANDAR SERI BEGAWAN, Selasa, 24 Januari. - Ketua Jabatan Haji dan Umrah, Darussalam Holdings Sdn. Bhd. (DHSB), Pengiran Haji Ibrahim bin Pengiran Haji Bakar menjelaskan, DHSB sejak ditubuhkan 20 tahun yang lalu telah banyak membuat Pakej-pakej Umrah Khas bagi penduduk di negara ini.

Jelasnya, setiap tahun memang terdapat peningkatan dari segi perkhidmatan-perkhidmatan.

Tambahnya, sistem umrah juga sudah berubah mengikut pasaran pelancongan Islam sejak beberapa tahun kebelakangan ini.

Semasa ditemui di DHSB, Airport Mall, Berakas, beliau seterusnya menjelaskan bahawa DHSB merupakan antara syarikat pengendali haji dan umrah yang terbesar di negara ini.

Semasa menjawab mengenai Pakej-pakej Umrah yang ditawarkan kepada orang ramai, Pengiran Haji Ibrahim menjelaskan DHSB menyediakan beberapa pakej untuk pilihan orang ramai.

Katanya, terdapat tiga pakej yang ditawarkan, iaitu Pakej Zamrud, Safira dan Delima dengan harga-harga yang berbeza bagi setiap pakej yang ditawarkan.

Menurutnya, memang ketiga-tiga pakej ini berbeza dari segi perkhidmatan dan hotel katanya, yang mana perbezaan di antara tiga ini contohnya Pakej Zamrud kedudukan hotelnya lebih jauh, manakala Pakej Safira pertengahan dan Pakej Delima lebih hampir dengan Masjidil Haram.

Jelasnya, di Madinah pihak DHSB menyediakan Hotel Dallah Taibah untuk semua pakej dan di Mekah barulah mengikut pakej masing-masing, yang mana para jemaah Pakej Zamrud akan ditempatkan di Hotel Dallah Ajyad, Pakej Safira di Le Meridien dan Pakej Delima di Al-Ghufran serta hotel lain yang sebanding dengan hotel-hotel tersebut.

Selain daripada itu tambahannya, pihak DHSB juga menyediakan beberapa perkhidmatan yang mana di dalam pakej akan termasuk penginapan, pengangkutan, di samping mengerjakan beberapa aktiviti keagamaan.

Selain itu, sebagai perkhidmatan tambahan jelasnya, DHSB juga menyediakan perkhidmatan kargo bagi mengelakkan para jemaah membayar lebih di Lapangan Terbang Jeddah apabila hendak pulang ke tanah air.

Beliau seterusnya menjelaskan, pada musim cuti persekolahan bulan Mac ini, syarikat berkenaan juga telah menerima tempahan awal daripada orang ramai yang berhasrat untuk mengerjakan umrah.

Menyentuh mengenai peningkatan orang ramai yang mengikut pakej di DHSB, beliau menjelaskan, setakat ini peningkatan orang ramai dari segi kesedaran dan trend semakin bertambah mengikut pakej umrah ini khususnya di syarikat berkenaan dan pihaknya sentiasa bersedia memberikan perkhidmatan Pakej Umrah dan Haji.

Mengakhiri temu bual beliau seterusnya menjelaskan, jumlah orang ramai yang berhasrat untuk mengerjakan ibadah umrah kini bertambah, yang mana beliau-beliau pada masa ini juga sudah semakin bertambah mengerjakan umrah.

"Di samping mengerjakan umrah,

Timba pengalaman melalui lawatan



SERAMAI 22 mahasiswa dan mahasiswi Fakulti Syariah dan Undang-Undang, Universiti Islam Sultan Sharif Ali mengikuti lawatan ilmiah ke Malaysia yang dikendalikan oleh Persatuan Mahasiswa juga Mahasiswi Syariah dan Undang-Undang.

Siaran Akhbar dan Foto : Universiti Islam Sultan Sharif Ali

BANDAR SERI BEGAWAN, Isnin, 23 Januari. - Seramai 22 mahasiswa juga mahasiswi dari Fakulti Syariah dan Undang-Undang (FSU), Universiti Islam Sultan Sharif Ali (UNISSA) ikut serta mengambil bahagian dalam lawatan ilmiah ke Malaysia yang dikendalikan oleh Persatuan Mahasiswa juga Mahasiswi Syariah dan Undang-Undang (SHALAWSOC).

Turut mengiringi lawatan tersebut ialah dua orang pensyarah universiti termasuk Dekan FSU, Dr. Hajah Masnooraini binti Haji Mohiddin selaku ketua rombongan dan Dayang Norasiah binti Haji Amai.

Lawatan itu berlangsung selama seminggu bermula 22 hingga 28 Januari 2017.

Delegasi UNISSA kali ini akan membuat lawatan rasmi ke beberapa buah universiti termasuklah Universiti Sultan Zainal Abidin, Kuala Terengganu; Universiti Sains Islam Malaysia, Negeri Sembilan; Universiti Kebangsaan Malaysia, Selangor dan Kolej Islam Antarabangsa Malaysia, Selangor.

Antara objektif yang ingin dicapai dalam lawatan berkenaan bagi memberi peluang kepada mahasiswa dan mahasiswi UNISSA untuk berkongsi pendapat serta bertukar

pandangan dengan universiti yang dikunjungi.

Selain itu, mahasiswa dan mahasiswi juga dapat menimba ilmu pengetahuan dengan melawat ke tempat-tempat berkaitan dengan SHALAWSOC.

Di samping itu, universiti-universiti yang berkenaan dapat memperkukuhkan lagi jaringan yang sedia ada dengan UNISSA sambil membincangkan aktiviti-aktiviti yang boleh dilaksanakan bersama di masa yang akan datang.

Pada akhir lawatan ilmiah itu nanti, mahasiswa dan mahasiswi diharap akan dapat mempelajari sendiri mengenai pengurusan sesebuah persatuan yang berkaitan dengan SHALAWSOC dengan lebih teratur dan teliti.



KAUNTER Darussalam Holdings Sdn. Bhd.

para jemaah pada waktu yang sama juga berpeluang melancong dan dibawa ke tempat-tempat yang

menarik dan bersejarah. Tempat-tempat menarik seperti menziarahi Makam Rasulullah Sallallahu Alaihi

Wasallam, ziarah tempat-tempat bersejarah di Kota Madinah dan Mekah."